

01

Gradski vijećnik SNAGA NARODA
Ajdin Polić
Ul. Enesa Kalabića 15, 72220 Zavidovići
062 755 269

GRAD ZAVIDOVIĆI
GRADSKO VIJEĆE
n/r predsjedavajuće gradskog vijeća

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

05-06-2025

Primijeno:			
Org. jed.	Kl. ozn.	Red. broj	Br. priloga
01	04	1182	25

PREDMET: Inicijativa za ukidanje poreza na istaknutu firmu, dostavlja se

Poštovani,

U skladu sa članom 8., 87., i 109. Poslovnika o radu Općinskog vijeća Zavidovići, podnosim sljedeću inicijativu:

Inicijativa za ukidanje poreza na istaknutu firmu podrazumijeva da se gradskom vijeću pripremi materijal za donošenje odluke o izmjeni i dopuni Odluke o komunalnim taksama općine Zavidovići kako bi se izbrisale odredbe o naplati komunalne takse za svaku istaknutu firmu na osnovu presuda Ustavnog suda FBiH kojim se one proglašavaju neustavnim.

O realizaciji ove inicijative, starat će se Gradonačelnica sa stručnim službama.

Za realizaciju ove inicijative izdvojiti potrebna sredstva iz budžeta Grada Zavidovići za 2025 godinu.

OBRAZLOŽENJE

U medijima se neko vrijeme ponavljaju vijesti o neustavnosti taksi na istaknutu firmu. Još u martu i aprilu prošle godine Ustavni sud FBiH donio je jasne presude (broj U-31/23, U-3/24), kojima je utvrđeno da godišnja taksa na isticanje firme nema uporište u Ustavu FBiH, posebno u dijelu koji garantuje zaštitu imovine i onemogućava nametanje davanja bez protuusluge. Iako su pojedine općine već ukinule te takse (na primjer, Gradsko vijeće Tuzle krajem 2024. godine donijelo je "Odluku o prestanku važenja Odluke o komunalnim taksama"), mnoge općine to još nisu učinile. Pravosudni eksperti upozoravaju na mogućnost krivičnihopravnih posljedica za svjesno nepoštivanje odluke Ustavnog suda FBiH. Krivični zakon FBiH u članu 351. propisuje kaznu zatvora do pet godina za odgovorne osobe koje odbiju postupiti u skladu s odlukom Ustavnog suda. U konkretnom slučaju, to bi zahtijevalo utvrđivanje da organi vlasti, unatoč jasno izrečenom ustavnosudskom stavu, nastavljaju djelovati suprotno toj odluci. U skladu sa navedenim, podnosim inicijativu kako bi uskladili važeću odluku sa presudama ustavnog suda FBiH u što skorijem roku kako bi rasteretili privrednike dodatnih nameta bez protuusluge.

Datum: 30/04/2025


Ajdin Polić, mr.ppm



Broj: 02-04-1162/25-AP-21

Datum: 28.05.2025. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Ajdina Polića
za ukidanje poreza na istaknutu firmu, dostavlja se

U prilogu akta dostavljam vam stav po inicijativi vijećnika Ajdina Polića podnesenu za ukidanje poreza na istaknutu firmu.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

Akt pripremila:

(Fatima Merdanović)

Akt pregledao:

(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-04-1162/25-AP-20

Datum: 28.05.2025. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Ajdina Polića za ukidanje poreza na istaknutu firmu dostavljam:

PREDMET: Stav po inicijativi vijećnika Ajdina Polića
za ukidanje poreza na istaknutu firmu, dostavlja se

Inicijativu vijećnika Ajdina Polića za ukidanje poreza na istaknutu firmu ne treba prihvatiti.

U Službenim novinama FBiH, broj: 33/25, objavljeno je Mišljenje Ustavnog suda Federacije Bosne i Hercegovine, koje je utvrđeno na sjednici Suda održanoj dana 09.04.2025. godine, a kojim Mišljenjem je pored ostalog navedeno:

„a) Kantonalne skupštine, gradska i općinska vijeća na teritoriji FBiH koje propisuju obavezu plaćanja komunalne takse / naknade za isticanje firme, dužni su u razumnom roku iz svojih propisa ukloniti odredbe kojima se propisuje komunalna taksa / naknada na istaknutu firmu i utvrđuje obaveza plaćanja komunalne takse / naknade na istaknutu firmu.“

Gradska uprava Grada Zavidovići će postupiti u skladu s naprijed citiranim Mišljenjem Ustavnog suda Federacije Bosne i Hercegovine.

S poštovanjem

Dostavljeno:

1. Naslovu,
2. U spis.

Akt pripremila: 
(Amira Tadić)

Akt pregledao: 
(Midhat Bajramović)

Akt pregledao: 
(Nermin Čahtarević)



GRADONAČELNICA

mr. iur. Erna Merdić Smailhodžić